



Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

II. Quomodo ascendit super omnes cœlos, ut adimpleret omnia.

urn:nbn:de:hbz:466:1-39254

Profectò si moritiferum quid biberint, non eis nocebit: quoniam juxta Salvatoris exemplum ^b, cum gustaverint, nolent bibere; id est, cum sen-ferint, nolent consentire. Sic enim non eis nocebit, quia nulla damnatio est his qui sunt in Christo Jesu, concupiscentiae sensus absque consensu. Quid tamen? Molesta certè & periculosa sic corruptæ & infirmæ affectionis lucta: sed qui crediderint, super agros manus imponent, & benè habebunt, id est agris affectiones bonis operibus operient, & hoc remedio curabuntur.

IN FESTO ASCENSIONIS.

Quomodo ascendit super omnes cœlos, ut adimpleret omnia.

S E R M O II.

Solemnitas ista, Fratres charissimi, gloriola est, & ut ita dicam, gaudio-
sa, in qua & singularis Christo gloria, & nobis spiritualis lætitia exhi-
betur. Consummatio enim & adimpletio est reliquarum solemnitatum,
& felix clausula totius itinerarii Filii Dei. Qui enim descendit, ipse est &
qui ascendit ^a hodierna die super omnes cœlos, ut adimpleret omnia. Jam enim cum se Dominum universorum quæ sunt in terra, & in mari, &
in inferno, probasset, non restabat, nisi ut aeris & cœlorum se esse Domi-
num argumentis similibus, vel certè potioribus approbaret. Terra enim
cognovit Dominum, quia ad vocem virtutis eius cum clamasset magna
voce, *Lazare veni foras* ^b, mortuum reddidit. Cognovit mare, quia
solidum se præbuit sub pedibus eius, ita ut Apostoli eum putarent phan-
tasma esse ^c. Cognovit infernus cuius ipse portas æreas & vestes fer-
reos confregit ^d, ubi & ligavit illum insatiablem homicidam qui voca-
tur diabolus & Satanas. Profectò qui mortuos suscitavit, leprosos mun-
davit, cæcos illuminavit, cludos firmavit, & omnes exsufflavit infirmi-
tates, Dominus omnium fuit, & eademi manu quâ fecerat, quæ defece-
rant, reficiebat. Sic & qui in ore piscis cum ipso pisces stateram inveniri
prædictit ^e, patet proculdubio, quia maris, & omnium quæ in mari mo-
ventur, Dominus fuit. Qui verò traducit aerias potestates, & affixit
eas cruci suæ, claret quia super infernales officinas potestatem accepit.
Hic est enim qui pertransiit benefaciendo & sanando omnes oppressos à
diabolo ^f, qui stetit in loco campestri, ut doceret turbas, ante præsidem, ^g Act. 10.
ut alapas sustineret; toto tempore quo in terris viuis est, & cum homi-
nibus conversatus in laboribus multis, stans & operans salutem in medio
terræ.

Ad claudendam igitur tunicam tuam inconsutilem Domine JESU, <sup>Ascensio Christi
st: clausula la-
borum eius.</sup>
ad perficiendam fidei nostræ integritatem, restat, ut videntibus Discipu-

lis per medium aeris sicut aeris Dominus ascendas super omnes cœlos.
Ex tunc probabitur quia Dominus universorum tu es, quia omnia in o-
mnibus adimplesti, & jam tibi profecto debebitur, ut in nomine tuo o-
mne genu flectatur cœlestium, terrestrium, & infernorum, & omnis lin-
gua confiteatur quia tu es in gloria & in dextera Patris ^o. In hac dexte-
ra sunt delectationes usque in finem: & ideo monet Apostolus, ut quæ-
ramus quæ sursum sunt, ubi Christus est in dextera DEI sedens ^b: quia illic
profecto thesaurus noster est Jesus Christus, in quo sunt omnes thesaui
sapientiae & scientiae absconditi: in quo habitat omnis plenitudo divini-
tatis corporaliter ⁱ ..

^a Philip. 2. b

^b Col. 3. d

^c Coloss. 2.

Dolor & ti-
mor Apost.
in Ascens.
Christi.

^d Ioan. 7. c

^e Matt. 14.

^f Sap. 9. d

In ascensione
adimpleta
sunt omnia.

Quid tamen putatis, fratres, quantus dolor & timor irruperit Apo-
stolica pectora, cum eum viderunt à se tolli, & attolli in aera, non icalis
adjutum, non sublevatum funibus, et si angelico comitatum obsequio:
non tamen fultum auxilio, sed gradientem in multitudine fortitudinis suæ:
Impletum est quod eis dixerat ^k: *Quod ego vado, vos non potestis venire. Quo-*
cunque enim terrarum iissem, eum indivisibiliter sequerentur: mare ^f
sicut Petrus fecit aliquando ^t *) cum eo etiam submergendi intrarent: sed*
hac sequi non poterant: quia corpus quod corrumpitur, aggravat animam,
& deprimit terrena inhabitatio sensum multa cogitantem ^m. Dolor ergo ni-
mius erat, quia videbant illum (propter quem omnia reliquerant) à suis
sensibus & aspectibus tolli, ut non posset ablato à se ipso, filii sponsi
non lugere: timor, quia orphani relinquebantur in medio Judæorum
nondum confirmati virtute ex alto. Benedicens ergo eis ferebatur in cœ-
lum, forte concussis illius singularis misericordia viiceribus, cum miseros
suos & pauperem suam scholam relinqueret; nisi quod veniebat parare
eis locum, & quia expediebat ut præsentiam eis subtraheret corporalem.
Quàm felix, quàm digna ista processio, ad quam ne ipsi quidem adhuc
Apostoli digni fuerunt admitti, cum & animarum sanctorum, & cœlesti-
um virtutum triumphali pompa deductus ad Patrem, sedet à dextris Dei.
Nunc verè adimplevit omnia, qui natus est inter homines, cum homini-
bus conversatus est, ab hominibus & pro hominibus passus & mortuus est,
resurrexit, ascendit, sedet ad dexteram Dei. Agnosco tunicam desuper
contextam per totum, quam superna illa mansio claudit, ubi adimpletus
est & adimplevit omnia Dominus Jesus Christus.

Veruntamen quid mihi & solennitatibus istis? Quis me consolabi-
tur, Domine JESU, quia te non vidi in cruce suspensum, plagis lividum,
pallidum morte, quia non sum crucifixo compaillus, obsecutus mortuo,
ut saltem lachrymis meis loca illa vulnerum delinire? Quomodo me
dereliquisti insalutatum, cum formosus in stola tua rex gloriae in alta cœ-
lorum

De Ascensione Domini, Sermo II. 271

lorum te recepisti? Prorsus renuisset consolari anima mea, nisi me Angelii in voce exultationis prævenissent, qui dixeruntⁿ: *Viri Galilæi quid statis aspicientes in cœlum, hic IESVS, qui assumptus est à vobis in cœlum, sic veniet quemadmodum vidistis eum euntem in cœlum, sic, inquit, veniet.* Ergone veniet querere nos in illa tam singulari quam universalis processione, cum præcedentibus omnibus Angelis & subsequentibus hominibus universis descendet judicare vivos & mortuos? Proculdubio veniet, sed quomodo ascendit, non quomodo ante descendit. Humilis enim prius venit animas salvare, sublimis autem veniet cadaver istud resuscitare, & configurare corpori claritatis suæ, ut infirmiori huic vasculo abundantiorem impendere videatur honorem. Tunc enim videbitur cum potestate magna & maiestate, qui prius in infirmitate carnis latuerat. Intuebor & ego eum, sed non modò: videbo eum, sed non propè: ita ut hæc secunda glorificatio priori glorificationi propter excellentem gloriam manifestè præluceat.

Manipulus primitiarum nostrarum Christus oblatus est, ad dexteram Patris assumptus, & assistit nunc vultui Dei pro nobis. Sed autem ad dexteram, habens in dextera misericordiam, in sinistra iudicium: & misericordiam multam nimis, & iudicium multum nimis: in dextera aquam, in sinistra ignem immobiliter tenens. Et quidem corroboravit misericordiam suam super timentes se secundum altitudinem cœli à terra^o, ut maiores cumulos misionerorum Domini sentiant, quā sit spati inter cœlum & terram: propositum namque Dei super illos manet immobile: & misericordia Domini ab æterno & usque in æternum super timentes eum. Ab æterno per prædestinationem, in æternum per glorificationem. Similiter & in reprobis terribilis est super filios hominum, & utrimq; stat fixa sententia æternitatis, & in his qui salvi fiunt, & in his qui pereunt. Quis scit si omnium vestrum quos hic video, nomina scripta sunt in cœlis, & in libro prædestinationis annotata? Vocationis enim & justificationis vestræ aliquà signa mihi video intueri in conversatione huius tantæ humilitatis. Quanto putas gaudio replerentur omnia ossa mea, si id scire contingeret? Sed ne scit homo utrum si dignus amore, an odio^p.

Propterea, dilectissimi, perseverate in disciplina quam suscepistis, ut per humilitatem ad sublimitatem ascendatis, quia hæc est via, & non est alia præter ipsam. Qui aliter vadit, cadit potius, quā ascendit, quia sola est humilitas quæ exaltat, sola quæ dicit ad vitam. Christus enim cum per naturam divinitatis non haberet quò cresceret vel ascenderet, quia ultra Deum nihil est, per descensum quomodo cresceret invenit

^o Psal. 102.

^p Eccl. 9.
Humilitas est
via ad subli-
mitatem.

Christus de-
scendens,
veniens

L 3

veniens

*& quasi de-
crescens af-
cendit & cre-
vit.*

**q. Luc. 14. b
& 18. c*

*Hominum
peruersitas in
ambiendis ho-
noribus.*

*r Cant. 1. a
Ad Iesum a-
lii itidem tra-
huntur, alii
ducuntur, alii
rapiuntur.*

floan, 14. b

tloan, 6. g

veniens incarnari, pati, mori ne moreremur in æternum: propter quod Deus exaltavit illum, quia resurrexit, ascendit, sedet ad Dexteram DEI. Vade, & tu fac similiter. Neque enim ascendere potes, nisi descenderis, quia ut æterna lege fixum est *I*, *Omnis qui se exaltat, humiliabitur: & qui se humiliat exaltabitur.* O perversitas, ô abusio filiorum Adam, quia cum ascendere difficillimum sit, descendere autem facillimum, ipsi, & leviter ascendunt, & difficultius descendunt, parati ad honores & celstudi-nes graduum ecclesiasticorum ipsis etiam angelicis humeris formidandos. Ad sequendum autem te Domine JESU vix inveniuntur, qui vel trahi patientur, qui velint duci per viam mandatorum tuorum. Alii enim trahuntur, qui possunt dicere *r*, *Trah me post te.* Alii ducuntur, qui dicunt: *Introduxit me Rex in cellaria sua.* Alii rapiuntur, sicut Apostolus raptus est ad tertium cœlum. Et primi quidem felices, qui in patientia sua possident animas suas: secundi feliciores, quia ex voluntate sua contentur ei: tertii felicissimi, qui in profundissima Dei misericordia, qua si quodammodo sepulta jam arbitrii sui potestate, in divitias gloriæ in spiritu ardoris rapiuntur, nescientes sive in corpore, sive extra corpus, hoc solum scientes, quod rapti sint. Beatus qui ubique te ducem habet Domine JESU, non illum refugam spiritum, qui statim ascendere voluit, & tota divinitatis dextra percussus est. Nos autem populus tuus, & oves pascuæ tuæ sequamur te: per te, ad te: quia tu es *Via, Veritas, & Vita* *S*, via in exemplo, veritas in promisso, vita in præmio. Verba enim æternæ vitæ habes, & nos cognoscimus & credimus quia tu es Christus filius DEI vivi *r*, qui es super omnia DEUS benedictus in sæcula, AMEN.

IN ASCENSIONE DOMINI:

De Intellectu & Affectu,

S B R M O III.

Hodie cœlorum Dominus, cœlorum alta cœlesti potentia penetravit, & infirma carnis tanquam nubila quædam excutiens, induit stolam gloriæ. Elevatus est Sol in ortu suo, incaluit & invaluit. Dilatavit & multiplicavit radios super terram, nec est qui se abscondat à calore eius. Rediit ad regionem Sapientiæ Sapientia Dei, ubi omnes bonum & intelligunt & requirunt, intellectu perspicacissimi, affectu paratissimi ad audiendam vocem sermonum eius. Nos autem in regione ista sumus, ubi plurimum est malitiæ, sapientiæ parum: quia *corpus quod corruptitur, aggrauat animam, & deprimit terrena inhabitatio sensum multa cogitan-* tem,